

I. N. S. S. T.
DISSE⁴RAT^TO PHIL^ILOSOPHICA,
DE
U S U,
QUEM PRÆSTAT
COGNITIO LOGI-
CES ET METAPHYSICES
ORATORI SACRO,
QUAM,
CONSENSU AMPLISS. FACULT. PHILOSOPHICÆ,
IN REGIA ACADEMIA ABOËNSI,
Sub PRÆSIDIO
MAX. REVER. ATQUE CELEBERRIMI VIRI
D:NI D:OCT. CAROLI
MESTERTON,
LOG. & METAPHYS. PROF. REG. & ORDINARIO.
PUBLICO CANDIDORUM EXAMINI,
PRO GRADU MAGISTERII Rite obtinendo,
MODESTE SUBMITTIT
JONAS HOLM,

OSTROBOTNIENSIS.
IN AUDIT. MAJORI, DIE XXII. DECEMBER. ANNI MDCCCLVI.
HORIS ANTE MERIDIEM SOLITIS.
ABOÆ, Impressit Direct. & Typogr. Reg. Magn. Duc.
Finland, JACOB MERCKELL.

S:Æ R:Æ M:TIS
MAGNÆ FIDEI VIRO,
LEGIONIS PEDESTRIS OSTROBOTNICÆ
CHILIARCHÆ
STRENUISSIMO,
EQUITI
ORDINIS ENSIFERI
SPLENDIDISSIMO,
PERILLUSTRI Ac GENEROSISSIMO
DOMINO,

D:N. WILHELM.
CARPELAN,

MÆCENATI MAXIMO.

*Q*uemadmodum sol omnia collustrat, & ad humilius quasque casas radios spargit; ita Tibi, Perillustris & Generosissime Vir, proprium & perpetuum esse solet, de eo, quo in Patria emines fastigio, mitioribus

bus semper oculis placidoque vulnⁱ infimos quosque adspice-
re. Hinc est, Gratosissime Vir, quod Dissertationem
hanc, omni uitore destitutam, Tuis oculis subjecere au-
deam, eamque Tui Perillustris Nominis splendore orna-
tam, publici juris facere. Suscipias itaque, per gratiam,
qua maxime polles, humillima mente rogo atque obtestor,
pertemne hocce opusculum, quod ad aram Gratiae Tuæ in
signum pii & devoti animi deponere sustineo. Id etiam a
Te, Perillustris ac Generosissime Vir, precibus impe-
trare liceat, ut clientem, cui bucusque Gratosissimus fui-
sti, ulteriori Tua gratia dignum habeas, ita in Te, Mæ-
cenas Summe, mihi fortunarum mearum Promotorem
polliceor certissimum. Ego, quum alio prorsus indicio cul-
tum & venerationem submissam, qua Tuam dignitatem
ad cineres usque prosequor, declarare nequeam, DEum
ardentissimis supplex compellare precibus, pro perenni Tuō
flore, nunquam desistam. Utinam solida illa voluptate
diu perfruamur, quam ex Tua incolumitate omnes boni
merito percipiunt! Vivas itaque, Generosissime Vir,
Reipublicæ armisque Svecanis Glorie maxime, Vivas Fa-
milia illustriſſime Decus ſplendidissimum, clientumque Tuorū
exoptatissimum vivas Numen tutelare! Votorum hæc
erit meorum ſumma, qui, donec ſpiritus hos regit artus,
ſum permansurus

Perillustris & Generosissimi NOMINIS TUI

JOANNA HOLM.

cliens devotissimus
JONAS HOLM.

VIRO Generoso atque Nobilissimo
DOMINO,
D.N. GEORGIO WILH.
VON SCHEVEN,
Legionis Pedestrīs Ostrobotnīcā CAPITANEO
maxime strenuo.

VIRO Nobilissimo & Consultissimo DOMINO,
D.N. JOH. MATHESIO,
SECRETARIO Provinciali Ostrobotniens.
Vigilantissimo.

Esset mihi nunc occasio, animum in Vos, Patroni & Fautores Optimi, declarandi gratissimum, at defunt verba meritis Vestris in me digna. Patiamini tamen, quod Dissertationem hanc qualemcumque in perpetua venerationis pignus & testimonium certissimum Vobis consecratam esse voluerim. Potui enim non alia ratione tacitos hucusque animi mei motus evolvere publiceque confiteri, quantum benignitas Vestra & favor plane ratus me obstrictissimum tenent. Quando enim recordor, recordor autem quotidie, benevolentiae illius, qua multoties me cumulastris, fateri necessum est, me nescire, quo me vertam, quoque beneficia Vestra, Fautores Optimi, demererri possum. Quum vero nihil habeam, quod benignissimo Vestro affectui respondeat; Ad DEum Omnipotentem, quod unicum potero, calidissima vota, pro Vestra salute ac incolumente perenni, fundere non intermittam, ut, honoribus amplissimis magis magisque aucti ornatique, quam diutissime vivatis, vigeatis & floreatis in Reipublicæ commodum, nec non Generosæ ac Nobilissimæ Familiae Vestra ornementum & solatium exoptatissimum, svariissimum. Ceterum, ea, qua par est reverentia, rogo, dignemini eodem posthac, quo antea, singulari Vestro favore me amplecti; sic habeo de quo mihi abunde gratuler, quodque mente addictissima nullo non tempore agnoscam.

Generos. Nobiliss. & Consultiss. NOMIN. VESTROR.

cultor humillimus
JONAS HOLM.

LANDT - RÄNTMÄSTAREN

Uti Österbotn,

ÅDEL och HÖGAKTADE
HERREN,

HERR JACOB
WIDMAN,

Min Högtbenägne Gynnare och Wälgierningsman.

Dart wärda Namn, GUNSTIGE HERR RÄNTMÄSTARE, mā
med så mycken större rätt pryda detta mitt Academiska
arbete, som J icke allenast, af makalös godhet och ädel-
mod, på det kraftigaste bidragit til desfs utgifwande i dagslju-
set; utan J hafwen ock dessutom, til min upkomst och tilkom-
mande lycka, lätit mig i ymnigt mått dageligen åtniuta många
och outfäljliga wälgierningar. Desse bladen, hwilka jag nu
EDER, HERR RÄNTMÄSTARE, med ödmiuk och wördsam hand
upoffrar, skola vara ett ewigt minnesmärke deraf, och tillika
ett ewärdeligt witne til den wördnadfulla tacksamhet, som
äger djupare intryck i mitt hjerta, än at den med ord, ehuru
betydande de ock wore, skulle kunna tilböriligen affskildras.
Det enda jag härwid kan säija, är, at som J, HERR RÄNTMÄ-
STARE, warit min Stora Wälgierningsman, så lätten mig ock hä-
dan efter uti EDER öma och gunstiga åtanka vara innesluten.
Med oaflåteligit nit är min önskan förenad, at den Aldrahögste
täktes rikeligen uppfylla hwad jag med EDER dryga kiänning
haft förmän och fägnad ärhålla, samt wälsigna HERR RÄNTMÄ-
STAREN med en önskelig fällhet och längvarig lefnad, til det
allmennas nytta, och EDER fornäma och kära omvärdnads o-
skattbara glädie! Jag har den äran, at med oaflåtelig wörd-
nad framhärdar


Ådel och Högaktade HERR RÄNTMÄSTARENS

ödmjuke tjänare
JONAS HOLM.

Til
CANDIDATEN
Höglärde
HERR JONAS HOLM.


Når J Herr *Candidat*, uti detta Edart lärda arbe-
te, så grundeligen, nätt och artigt utmärken
och afmälen, den nyta och fördel, som en
Guds ords Predikant och Lärare här at wánta sig, af
en grundelig kunskap och insight ati de wetenskaper,
som höra til Philosophien, egenteligen så kallad; så
wisen J ock tillika, hwad upbyggelse och förkofring
Guds Kyrcka och Församling med all sakerhet kan
förfse sig af Eder, såsom en saker frukt af Edart här-
tils oförtrutna och outtrötteliga arbete, som altid där-
hän syftadt, at J måtten giöra Eder skickelig, til
at med nyta och frukt med tiden föra det dyra
Guds ord. Jag gratulerar Eder fördenskull, *Herr*
Candidat, til detta Edart så wackra lärdoms prof!
och önskar därjemte upriktigt, at under det Guds
Församling och Kyrcka snart får njuta frukten af
Eder swett och möda, J ock då sielf tillika, mågen
få årfara och smaka den sötma, och den hugnad,
som en rått Ewangelisk Predikant ofwanifrån är
tilsagd och lofwad!

Således yttrar sig
en välmenande.



I. N. J.

§. I.



Irari certe convenit, etjam ho-
die inveniri homines, qui, o-
mnia studia Philosophica, spe-
ciatim Logicam & Metaphysi-
cam damnantes, impuro ore
effutire non erubescunt, hujus-
modi studia non modo non pro-
desse Theologo & Oratori Sa-
cro, sed potius ei perniciofa es-
se, & talia, quorum Christianos
puderet, idque eum in finem, ut Doctores Ecclesia-
rum armis exuti, eo sint ineptiores, ad lupos abar-
cendos, atque sic totus grex, quod benignissimum
Numen avertat! illis prædæ cedat. Cogitavi igitur,
siquidem muneri Ecclesiastico me totum consecrare,
si DEo ita placeat, constitui, non incongruum fore,
si paucis delinearem usum, quem Logica & Meta-
physica Oratori Sacro præbent, & ad veritatem cœ-
lestem rite percipiendam ac dextre defendendam, &

A

ad

ad illam clare ac vivide explicandam atque perorandum. In anteceſsum vero Summi Numinis imploro auxilium, tuamque B. L. censuram benigniorem mihi polliceor.

§. II.

Orator Sacer mihi *persona dicitur*, ei muneri *consecrata*, ut *privatum ac publice Religionem animis hominum perorando instillet*, ut *inde vera in DEum fides ac pietas concipiatur*. Et hujusmodi Oratori Sacro valde prodeſſe contendō, ad munus sibi injunctum, rite ac cum fructu obeundum, accuratiorem Logices & Metaphysices cognitionem; sumens Metaphysicam non in strictiori illo sensu, quo solam Ontologiam complectitur, sed latiori illo Recentiorum, quo præter Ontologiam etiam Psychologiam ac Theologiam Naturalem complectitur, Cosmologia illorum generali exclusa, utpote quæ non nisi ea pertractat, quæ vel ad Physicam generalem, vel ad Ontologiam spectant.

§. III.

VI definitionis (§. II.) debet Orator Sacer perorando Religionem cœlestem animis hominum instillare, ut hi fidem in DEum ac pietatem concipient. Ad hæc vero bene & cum successu peragenda, facultat̄ peculiares & qualitates mentis seu dona requiruntur, quod per se patet: quorum non nisi duo præcipua in præsenti memorabimus. Sei. primo ante omnia requiritur sufficiens Religionis cogni-

cognitio: nam quomodo aliorum animis cognitionem Religionis instillabit, nisi doctrina antea ipse fuerit instructus? quomodo sub variis formis veritates Religionis simpliciorum genio accommodabit, & comprehensibiles reddet, nisi ipse ejus gaudeat cognitione clara ac distincta?

§. IV.

Non sufficit vero cognitionem Religionis animis hominum instillare, sed debet ita ab eo instillari, siquidem munus suum rite obbibit, ut fides & pietas inde concipiatur (§. III.); ad quod non sufficit distincta Religionis cognitio. Sane experientia frequentissima suppeditat exempla, ubi magna doctrina, eruditio, scientia parum proficit, et si prædicatio, instillatio alioquin juxta peritorum judicium recte ac diligenter fiat. Ergo requiritur simul in Oratore Sacro habitus, ea, quæ noscuntur, publice ac privatim clare, distincte & efficienter proponendi, tum enim præconium & instillatio attentionem excitat, & animis se ingerit. Et ad hasce duas qualitates mentis, seu habitus feliciter acquirendos, in primis conducunt Logica atque Metaphysica, ut in sequentibus videbimus.

§. V.

Ostensuri igitur omnium primo quomodo Logica & Metaphysica inserviant Oratori Sacro, quoad distinctiorem Religionis cognitionem obtinendam, a THEOLOGIA NATURALI incipimus. Agit illa de A 2 DEO

DEo, Ejus perfectionibus & operibus nonnullis; item cultus Divini notionem, & huic agnatas alias exhibet. Cum Religione ergo naturali coincidit, quam totam suo complectitur finu. Religio vero Revelata Naturalem non tollit, nam fundatur in dependencia hominum a DEo per creationem & providentiam, quæ dependentia semper inconcussa manet, & per consequens, religio quoque naturalis una cum ea; Revelata igitur Naturalem totam quantam adprobat & adsumit, ac ei tantummodo adjicit, quæ pro præsenti rerum statu in ea deficiunt. Debet itaque & hæc Naturalis hominibus inculcari & instillari, & adeo simul Orator Sacer, cuius hoc est munus, in ea esse versatissimus, ac consequenter diligenter evolvere Theologiam Naturalem, in qua deprehenditur. Non est quod quis dicat, omnia ea occurri in Scriptura Sacra, quæ in Theologia Naturali, & adeo hanc esse supervacaneam? nam negamus consequens, licet antecedens concedamus; alio namque modo exponuntur hæc eadem in Scriptura Sacra, alio in Theologia Naturali: in priori enim nude hæc adseruntur, ex. gr. DEum esse bonum, justum, sapientem &c. in posteriori vero omnia accurate definiuntur, determinate enunciantur, & ex suis principiis legitimo nexu deducuntur. Sed non est hæc unica ratio, ob quam Theologiam Naturalem Oratori Sacro commendamus, sunt & plures aliæ, quarum unam vel alteram nominabimus. Scilicet fieri potest, immo experientia, proh dolor! teste, quandoque fit, ut Orator Sacer inter suos auditores etjam

et jam deprehendat Indifferentistas, Naturalistas, immo Atheos, quos, vi sui muneris, studebit, vel meliora docere, vel, quia Scripturam Sacram ignorant, aut contemnunt, ita rationibus compescere, ne res Christiana horum insultibus majora detrimenta capiat, & ludibrio exponatur. Sed in hoc suo officio constitutus Orator Sacer, unde peteret rationes, nisi Theologiam Naturalem calleret, & sciret inde promere argumenta, pro demonstranda existentia DEi, tam stringentia, ut iis nulla ratiuncula vel captione occurri posset: nisi sciret demonstrare veram DEi notionem, Ejusque perfectiones, ejus esse indolis, ut nullo modo naturae rerum, tribui possent: nisi sciret demonstrare, naturam rerum, ita quidem conceptam, impossibilem esse: nisi sciret ostendere non perinde esse, qualem de DEo Ejusque perfectionibus, consequenter de cultu Eisdem praestando, habeamus sensum, sed requiri, ut vera DEi notio, veraeque notiones perfectionum Ejus habeantur, si cultus futurus sit, ut esse debet, rationalis.

§. VI.

PSYCHOLOGIA ordine jam succedat. Occupata est illa, duce experientia, in mentis indole ac natura indaganda, in perscrutandis ejus operationibus ac modis operandi, in veris facultatum ejus notiōibus venandis. Hanc vero disciplinam Oratori Sacro usui esse, vel inde constat, quod notiones verae perfectionum DEi, ei tam necessariæ (§. V.), sine hujus accurata cognitione obtineri non possint; ni-

hil namque est in intellectu, quod non prius perceptum fuerit, vel sensibus externis, vel interno illo: per sensus vero externos ideae perfectionum DEi nullo modo acquiri possunt, quippe qui nude res materiales & compositas sint: per internum ergo unice acquirendae sunt, liberando scil. perfectiones limitatas & respectivas, quas anima in se experitur, ab omni imperfectione, & usque ad infinitatem elevando. Ad has ergo rite obtainendas pernecessaria est doctrina Psychologica, quæ proprietates & perfectiones mentis (vi definitionis) scrutatur. Solet insuper illud γνῶσις σταύρος Græcorum commendari: quod ipsum si cuilibet est commendandum, profecto Oratori Sacro præcipue. Debet namque hic Noster vi sui muneric omni opere id curare, ut miseriam illam sanet, quæ tam alte mentibus auditorum suorum inhæret. Id vero digne quomodo præstabit, si naturam & indolem mentis generatim ignoret? si miseriam illam generatim quidem noverit, non autem speciatim quomodo quælibet facultas sit corrupta? Quomodo sanabit Medicus morbum quendam, qui neque novit ejus naturam specificam, neque corporis structuram & indolem? En ergo usum eximiū, quem Orator Sacer ex Psychologia capere potest; illa namque naturam & indolem intimorem mentis inquirit, & eo simul, quot nævis laborat, & quomodo per verbum DEi quælibet sit sananda. Denique quid dicimus de usu, quem Psychologia præstat Oratori Sacro in illis refutandis, qui materialem statuunt animam, & ejus immortalitatem negant; qui libertatem ei demunt,

munt, & necessitate illam constringunt &c.? Sane in his refellendis auctoritate Scripturæ Sacræ uti non licet, quippe quam hi impudentissimi contemnunt; sed argumentis Psychologicis est pugnandum. Non est quod quis dicat, sufficere ei, ad tuendam veritatis conscientiam, fidem, modo hanc Divino spiritus auxilio tueatur. Nam ipsi quidem sufficit, sed si habuerit auditores, de quorum salute ab hoc luporum genere timeat; an in eorum animis auctoritatem suam, & consequenter veritatis professionem firmaturus sit, quem viderint non posse refellere, quod objicitur? nisi itaque mutus erit Orator Sacer, esse autem non debet, Psychologiam tenebit, & ex ea desumet argumenta; his monstris profligandis aptissima.

§. VII.

Progrediamur hinc ad ONTOLOGIAM. Expli-
cat illa ens in genere, cum universalissimis illis
notionibus, quibus illud afficitur. Exhibit quoque
sobrie & prudenter terminos ac distinctiones, qui-
bus non tantum ea efferuntur, quæ distinctæ re-
rum cognitioni inserviunt, sed etiam breviter pro-
ponuntur, quæ multis ambagibus vix possunt ex-
plicari. Sunt jam quæstiones in religione Christi-
ana occurrentes duplicitis generis, vel enim ejusmo-
di sunt, ut & naturæ viribus intelligi & indagari
possint, præter id quod revelatio præstat (vid. §. V.);
vel ejusmodi, ut totum earum esse non aliunde
cognoscatur, aut cognosci possit, nisi ex revelatio-
ne.

ne. Quin Ontologicæ notiones, principia & propositiones in argumentis religionis, quæ prioris sunt generis, locum habeant, dubitari non potest. Sunt enim illæ Ontologicæ propositiones non nisi rectæ rationis stamina & principia, quorum ope feliciter in ceteris, quæ ratione cognoscuntur, versari queamus. Jam autem religionis illæ quæstiones etiam natura cognosci supponebantur, ergo etiam illæ Ontologices subsidia adsciscere & supponere intelliguntur. Accedit, quod in Saero Codice plures occurrant termini, quorum genuinas notiones Theologus nec ipse accurate intelligere, nec aliis explicare poterit, nisi doctrinis Ontologicis, quæ in his enodandis occupantur, animum probe imbutum habuerit. Neque in articulis puris exulat omnis Ontologicorum principiorum usus; nam licet hi articuli contineant veritates, quæ captum longe superent humanum, ubi tamen in his quæstio occurrit probanda & evolvenda, in qua subiecti ideam non nisi ex Scriptura Sacra habere possumus, sed prædicati & medii termini rationes etiam ex lumine naturæ, exsurgit major propositio, quam Philosophus intelligere, & ex suis principiis deducere valet. Confer de his M. R. D. Doct. & Prof. N. Wallerii System. Metaph. §. 36. Ad distinctiorem ergo & solidiorem religionis Christianæ notitiam obtinendam, necessaria est Oratori Sacro accuratior cognitio Ontologices, necessitate quidem expedientiæ, non exigentiæ.

§. VIII.

Amen in hac progreßione retrograda claudat LOGICA. Occupatur illa circa tres mentis operationes, quas ita circa omne cognoscibile dirigit, ut veritatem facilius, expeditius, magis ordinate, & citra erroris periculum, obtinere possit intellectus. Quare etiam dux & cynosura veritatis appellari solet, sine cujus ope, de veritate nemo certus esse potest: nam quemadmodum gubernator návis, cynosura si careat, vel ejus usum si non intelligat, de recto cursu, certus esse non potest; ita Logicæ subsidiis destitutus de veritate quid sibi polliceri nequit. Recte itaque nonnemo dicit: *multi multa norunt Logicæ ignari, sed hoc quod norunt, ita norunt, ut an recte ac certe norint, & falli nequeant, nesciant.* Hinc Scaligerus Ex. 359. *Nostra in studiis literarum peregrinatio, sine Logico lumine, miserabilis quedam erratio est.* Scilicet, homo, secundum partem nobiliorem, animam puta, per & post lapsum valde est debilitatus & obscuratus, ita ut potentius illa, quæ remanet, nisi exercitationibus Philosophicis excitetur & acuatur, ægre & difficulter ad notitiam rerum pervenire possit. Et in hunc finem jam & usum inventa est Logica. Unde vel sua sponte patet, quod non solum disciplinis illis, in antecedentibus enumeratis, ad pleniorem, expeditiorem & certiorrem earum cognitionem obtinendam, inserviat, & sic, vel hoc nomine usum præbeat Oratori Sacro; verum etjam auxiliatrices manus, licet ministrantes

tes & servientes, exhibeat ipsi Theologiæ sacro sanctæ & religioni revelatæ. *Nam ratio* (sunt verba Buddei) *quantumvis cœca, stulta, corrupta, manet tamen ratio, i. e. ea facultas, qua homo cognoscit & judicat, adeo quidem ut homo, nihil omnino, quale illudcunque sit, cognoscere & judicare valeat, nisi per rationem suam, tanquam medium, organon, instrumentum omnis cognitionis.* *Quamobrem etjam omnes res Divinæ mysteriaque, in quantum cognosci possunt, non aliter quam ratione, ceu omnis cognitionis organo, cognoscuntur.* Opus igitur habent & hæ res Divinæ mysteriaque Logica, ceu duce & cynosura veritatis. Et hoc ipsum agnovit Augustinus dudum suo tempore hisce verbis, libro 2:o de Doctrina Christiana, Cap. 37. *Scientia, inquit, conclusionum & definitiomum & distributionum, plurimum lectorem scripturarum adjuvat.* Et certe, quomodo rite & sine hæsitatione eruet Orator Sacer, ut Theologus, genuinum Script. sensum, nisi ex Logicis didicerit, quid sit subiectum, quid prædicatum; quænam sit indoles & natura propositionis universalis, particularis, simplicis, compositæ, &c. nisi ex Logicis didicerit generales interpretandi regulas; atque simul, quomodo antecedentia cum consequentibus legitime sint conferenda, consentanea jungenda, & dissentanea separanda: quomodo ex contextu variæ & legitimæ consequentiæ sunt deducendæ, & sic deinceps, sine accurata cognitione regularum consequentiarum. In Theologia Dogmatica, quomodo articulos fidei naturali ordine disponet, &

rite

rite inter se connectet? Quomodo dogmata ibi occurrentia validissimis probabit argumentis, tum ex Scriptura Sacra, vel ~~καλὰ τὸ πνεῦμα~~, vel per bonam consequentiam de promtis, tum aliquando ex sana ratione deductis; ut & contra Heterodoxorum infidias & insultus bene præmuniet? quomodo denique definitiones, divisiones, & plura alia, legitime instituet, nisi calluerit doctrinam terminorum, definitionis, divisionis, demonstrationis &c. ita ut sciverit, quid requiratur ad accuratam definitionem, divisionem & demonstrationem? Vel si hæc minus placent; quomodo intelliget, quæ alii enucleaveri, & quomodo de illis convincetur, nisi regulas Logicas calluerit, ad quas omnia sunt conformata, saltim conformari debent, siquidem erunt recta? quomodo judicabit num hæc omnia sint conformia hisce regulis, & adeo vera, sine notitia harum regularum? nullo modo. Ergo dogmata Theologica, etjam ab aliis elaborata & enucleata, ab altero intelligi nequeunt, & de illis non potest hic alter fieri certus, sine notitia Logices. Quid denique dicam de Theologia Polemica? Num, quando in illa versatur Orator Sacer, commode carere potest Logica? Gerit illa bella Domini adversus hostes & eos, quibus familiare est sophismatibus & falsis pugnare syllogismis. Eo igitur magis est utille ac necessarium eam tenere artem, qua utuntur, vel potius abutuntur adversarii, iisdemque armis eorum jugulum petere, id est, beneficio rationis bene exultæ, argumenta eorum, speciem veritatis

tis mentientia, legitime detegere, expendere & refellere. (a) Quum igitur ita sit, sua sponte patet, quod Logica insignem Oratori Sacro adferat usum, utpote cui cognitio Theologiæ distinctior & accuratiōr est necessaria.

(a) *Vid. Dissert. Past. Dom. Dan. Christiernin, de usu Logices in Theologia, sub Praesid. Celeb. ULLEN, Upsal. habit. 1742.*

§. IX.

Vidimus sic in antecedentibus, & quidem quam brevissime, quomodo Logica atque Metaphysica inserviant Oratori Sacro, in accuratiore & distinctiore religionis cognitione acquirenda. Superest ergo, ut in sequentibus ostendamus, quomodo simul ei inserviant, in clare distincte ac efficaciter proponendo, ac coram aliis publice & privatim religionem perorando. Incipiamus jam ab ipsa LOGICA, quæ agmen antea claudebat. Munus est Oratoris Sacri propositionem vel thema quoddam religionis explicare & amplificare, ut fadendo vel dissuadendo, moveat animos audientium & legentium (§. IV.). Quomodo vero persuadebit, nisi probe sciant auditores, quid sit, quod tractat? Ante omnia itaque id ipsi erit agendum, ut plana & perspicua definitione, quasi janua quadam, in rei pertractandæ notitiam eos intrömittat. Hoc autem quomodo præstabit, nisi regulas Logicales, quæ definitionem concernunt, probe habuerit perspectas, & habitu gaudeat, illas in quovis casu applican-

plicandi? Non debet tamen hoc ipsum facere tam prese & anguste, ac in illis eruditissimis disputationibus fieri solet; sed cum explanatus, tum etiam uberiorius, & ad commune judicium, populari remque intelligentiam accommodatus. Præterea cum finita mens nostra non omnia simul & uno actu comprehendere valeat, sed per partes ipsi sit eundum, præfertim ubi clarus atque distinctius quid percipere velit; idcirco nec a fine Oratoris Sacri ea abludit opera, qua, distinctiorum conceptuum ergo, prudenti utitur divisione. Idem namque cum res postulabit, genus universorum in species certas, ut nulla neque prætermittatur, neque redundet, partietur ac dividet. Hæc vero rite perficere etiam docet Logica. Ulterius, cum non alia facile argumentandi ratio tantum habeat in movendis hominum animis efficaciæ, quantum quæ ex contrariis procedit: vel inde patet, Oratorem Sacrum doctrina oppositorum, immo omni, quæ de judiciis & propositionibus præcipit, non facile carere posse. Tandem ex notione persuationis, ad necessitatem doctrinæ syllogisticæ quoque in Oratore Sacro, concludere licebit. Nisi enim ex inventis allatisque argumentis, aptam atque legitimam inferre noverit Noster conclusionem, perinde esset, ac si Architectus materiam, domui extruendæ aptissimam, undique conquereret quidem conveheretque, ipsam vero illam componendi artem nesciret; vel Arithmeticus plurium numerorum cognitorum, summam tandem facere non posset.

ONTOLOGIAM si iterum respicimus, præstat illa Oratori Sacro adhuc usum in suis sermibus atque orationibus sacris rite disponendis ac ordinandis. Finem namque suum, Auditorum informationem, non per quamvis argumentorum, partiumque orationis dispositionem obtinebit; sed per eam solum, quæ *ναρτά τάξην* est, quæ legibus bonæ methodi convenit, jubentis ea esse præmittenda, quæ præmitti debent, quæque in se rationem continent sequentium. Monstrum esset ille homo, cuius caput occuparet locum pectoris, & pedes brachiorum. Sic putida & incompta, immo monstrosa esset illa oratio, cuius partes & membra non in justum redacta forent ordinem. Hinc etiam Quintilianus Institut. Orat. lib. VII. in præf. *Si quam in corporibus nostris, aliorumve animalium partem permutes atque transferas, licet habeat eadem omnia, prodigium sit tamen. Et artus ejus leviter loco moti, perdunt, quo viguerunt, usum, & turbati exercitus sibi ipsi sunt impedimento.* Nec mihi videntur errare, qui ipsam rerum naturam stare ordine putant: quo confuso, peritura sint omnia. Sic oratio carens hac virtute tumultuetur, necesse est, & sine rectore fluit, nec cohæreat sibi, multa repeatat, multa transeat, velut nocte in ignotis locis errans, nec initio, nec fine proposito, casum potius, quam consilium sequatur. Et sane, quomodo cum inordinata partium orationis dispositione, quæ argumenta misere confunduntur, & a suo in aliud locum iusto

sto licentius transferuntur, ita ut summa imis temere mixta sint, perspicuitas consistere poterit, quæ tamen est prima virtus Oratoris, sine qua auditores crassis veluti tenebris circumfunduntur, nescii plane, quid sua sibi velit oratione. Quomodo vero rite disponet Orator argumenta, nisi genera rerum probe sibi habuerit perspecta: nisi ex Ontologia didicerit distingvere inter primum & secundum, ut ita dicam; inter rationem & id, quod in ea fundatur: inter caussam & effectum: inter essentiale & accidentale? & sic in ceteris. Cognitionis ergo principiorum Ontologicorum non prenitezbit Oratorem Sacrum, dum sermones suos instituet.

§. XI.

AD PSYCHOLOGIAM si regredimur, deprehensi sunt quoque erimus etiam illam usum egregium & maximum Oratori Sacro præbere, in suis sermonibus adornandis, ut finis, qui intenditur, rite obtineatur. Scilicet, dicendi provinciam non prius adgredi debet Orator Sacer, quam probe sibi perspectum exploratumque habeat, quomodo affecti sunt i sermonem ejus audituri, quænam illorum inclinationes, ut loqui mos est, cardiacæ & passiones prædominantes, nec non alia, eaque longe plurima. Ad exemplum igitur Ciceronis, omni mente in ea cogitatione curaque versari debet, ut odoretur, quam sagacissime possit, quid sentiant, quid existiment, quid expectent, quid velint, quo deduci oratione facillime posse videantur. Nam auditorum, quibus cum

cum Orator Sacer erit acturus, infinita propemodum est diversitas, quemadmodum multitudo ipsi Platonis vocatur Θηρίων πολυκέφαλον, quorum tamen venas teneat, intimosque delibet sensus, ut eorum perspecta varietate, ipsa etiam variare queat argumenta, eaque solum adhibere, quae ad unius cuiusque animum permovendum plurimum conferant. Imitandus idcirco est Oratori Sacro mos prudentis piscatoris, qui primum piscium explorat naturam, & utrum gobius in isthmo, an vero in alto lateat, scrutatur, ut constet, hamone, an reti sit capiendus: deinde experientia hac de re edoctus, debita præparat admovetque instrumenta. Hinc Balduinus: *Eorum, ad quos dicturi sumus, mores, tanquam vivam postillam aliquam inspiciamus, ut ad eos doctrinas ex textu applicemus.* In brevi institut. p. 151. Morum igitur investigatio & inventio Oratori Sacro est necessaria: sed est quoque perardua, maximeque incerta, propter astutiam & varietatem ingeniorum: et enim difficulter nosmetipso cognoscimus, ergo res erit omnino omnium difficillima, alios intus & in cute novisse. Non parum vero hic præstat Semiotica moralis, ars illa mores hominum conjectandi, & quidem per signa diagnostica & prognostica, quae a vultu, gestu, sermone & aliis arcetuntur, unde, si non apodictice, probabiliter tamen, patescit, quomodo agens, ubicunque agendi occasio ipsi offertur, si bi sit temperatus. (a) Ast prima principia & fundamenta hujus artis suppeditat Psychologia, quae naturam & indolem mentis humanæ intime rimatur; præbet

bet ergo illa hoc in negotio perarduo Oratori Sacro usum eximium. Sed non hoc solum: non suppeditat modo principia, quæ conducunt in hominun moribus, passionibus & inclinationibus conjectandis, ut inde patescat, quæ argumenta adhiberi debeant: verum ulterius docet modum, quo hæc argumenta proponi & perorari cum fructu & effectu possint. Notum nimirum est, quam quod notissimum, nos mortales, totos quantos, natura a DEo esse aversos, & in terrena quasi depres-
sos, & eis alligatos, ita ut verbum DEi, quo alias ma-
nifestatur & offertur nobis consilium DEi Optimi de no-
stra salute, vel ad primum auditum, tedium & aversa-
tionem nobis creet; procul ergo a nobis remotum illud
cupimus, & omne medium, quo novimus nos illius
conscios reddi, rejicimus. Sed nullum verbum, neque
divinum nos movet, ad quod non animum advertimus.
Non operatur Spiritus per verbum, ut attendamus, inquit Canzius; sed quia attendimus, idcirco operatur. Præ-
primis ergo in eo occupabitur Sacer Orator, ut ita pro-
ponere & perorare possit verbum DEi, ut animum au-
ditorum introeat; ut hi ad illud digne attendant, & il-
lud meditentur. Hoc vero in negotio egregie ei inser-
viet Psychologia: illa namque docet & ostendit, quod
affectus trahant omnem attentionem ad illam rem, cir-
ca quam versantur; atque hinc urget eum, ut excitet
affectus apud auditores, quo scil. sic trahat eorum atten-
tionem ad verbum DEi, quod ferit. Et siquidem Psy-
chologia simul docet & explicat naturam & indolem af-
fectuum, atque modum, quo oriuntur; eo ipso etiam
eum informat, nou modo quomodo affectus rationales

& sensuales apud suos auditores excitare queat, ut scilicet per hos attentio ad ea trahatur, quae dicuntur & propoundeduntur; verum et jam spirituales, quo egregius nihil.

Nam licet maxima sit inter affectus naturales & spirituales differentia, ex. gr. illi naturaliter in mente oriuntur, hi supernaturali virtute excitantur, suamque originem gratiosæ Spiritus Sancti inhabitationi debent. Illi oriuntur ex cognitione majoris boni vel mali, temporalis vel naturalis, hi ex representatione spiritualis boni, quod ratio aut ignorat, aut, si sensuum nimirum judicio, pro malo reputat; & sic in ceteris. Quia tamen nihil animæ inesse potest, quod ejus naturæ repugnat, quoad modum ortus in anima inter se convenienter modum, inquam, non qua principia ortus, quæ inter se maxime distant. Quare ex tractatione affectuum Psychologica magnum habet usum Orator Sacer, auditores suos ad affectus spirituales commovere studens. Eadem hæc, quæ nuper dicta sunt, simul ostendunt, cognitionem Psychologices egregium quoque usum præstare Oratori Sacro in affectibus naturalibus, iisque malis, compescendis atque tollendis. (b) Denique & hoc addemus. Debet Orator Sacer instillare suis auditoribus cognitionem veritatis cœlestis, ut inde ad fidem in DEum, & pietatem commoveantur. Jam vero est omnis nostra cognitionis non nisi duplex, *symbolica* vel *intuitiva*; prior versatur unice circa voces, terminos & signa rerum atque idearum; posterior circa ipsas res & earum ideas. Experientia ulterius docet, quomodo symbolica neminem commovere possit, sed unice intuitiva; nam si quis verbis utitur ad me commovendum, quæ

quæ intuitivam illius rei, quæ a loquente intenditur, excitare non valent ideam, immotum sentio meum animum, neque ad appetitum vel aversationem inclinare; inclinare vero, si verba, quæ adhibentur, intuitivam animo ingenerare possunt notitiam. Debet igitur Orator Sacer ita adhibere verba, ut intuitivam ingenerare possint notitiam. Sed quomodo hoc præstabit, digne scil. & optime, nisi hac de re ex Psychologia edoctus fuerit?

(a) *Conf. Dissert. Magist. Tat. Runberg, sub Præsid. Celeb. PROF. EKERMAN, de Oratore in praxi occupato, habit. Lipsal. 1748.*
 (b) *D. D. N. WALLERII Psycholog. Empir. pag. 496.*

§. XII.

Deferimur demique ad THEOLOGIAM NATURALIEM. Oratoris Sacri est, ut sæpius inculavimus, argumentis convincentibus & persuasoriis auditores suos ad pietatem in DEum commovere. Hæc vero argumenta præprimis quidem de libro Scripturæ delumere debet, utpote in quo omne DEi consilium de nostra salute manifestatur. Nihilominus tamen non inutile est librum Naturæ, interdum saltim, simul inspicere, atque inde argumenta, eandem rem urgentia, depromere, præsertim quum DEus in Scriptura Sacra hac in re toties præverit. Ita, quum DEus Jobum officii sui admonere vult, eique suam potentiam, sapientiam & bonitatem ob oculos ponere, creaturas profert, cœlum, sidera, meteora, terras, animalia &c. Nam DEus in hunc usum præcipue mundum condidit, ut esset quasi volumen apertum, ex quo disceret homo, unum esse

omnium rerum conditorem, & illum esse sapientem, potentem & bonum; & sic inde permoveretur ad illum digne amandum & colendum. Ad hunc ergo librum naturæ debet adeo Sacer Orator simul respicere, atque inde motiva pietatis desumere. Sed hoc ipsum digne præstare non poterit, nisi principia Theologiae Naturæ probe calluerit, utpote quæ notiones directrices hac in re ei præbent, & ideo usum eximum ei præstant.

§. XIII.

HÆc jam sunt pauca illa, quæ in præsenti dicere volui de usu, quem cognitio Logices & Metaphysicses Oratori Sacro præstat. Siquidem autem vel omnia hæc nihil eum juvant, nisi Spiritus Sanctus donis suis ministrantibus eum insuper instruat & ornnet; oramus submisse, dignetur idem Spirit. S. omnibus, qui suum verbum serunt, sua gratia adesse, atque suis donis vere proficuis exornare, ut suorum auditorum æternam salutem feliciter obtineant, & **Sacro Sanctæ Trinitatis Gloriam nunquam terminandam.**

TANTUM.

